

PP-PSOE ITUNA. Iragan ostiralean hitzartu zuten ituna atzo sinatu zuten PPk, PSOEek eta Espainiako Gobernuak. Itunak kritikak jasotzen jarraitzen du, PP eta PSOE ez beste alderdi eta eragile politikoen aldetik.



ANGEL MILLAN / EFE

Espainiako Gobernuak, PPko eta PSOEko ordezkariak, atzo, Moncloa jauregian egindako sinatze ekitaldiaren ostean.

«Egungo markoaren defentsan» sinatu dute ituna PPk, PSOEek eta Gobernuak

Javier Arenas, Jose Luis Rodriguez Zapaterok eta Jose Maria Aznar Espainiako presidenteak izenpetu zuten atzo akordioa

ITUNA

HITZAURREA

EAJ ETA EA-REN PORROTA. EAJk eta EAK, ETA eta EHrekin, autodeterminazioa «inposatu» nahi izan zutela dio itunaren hitzaurreak, baina estrategia horrek «porrot» egin duela.

LIZARRATIK KANPO. EAJ eta EA «terrorismoa borrokatzeko batasun demokratikora» itzuliko badira, «ezinbestekotzat» jotzen du Lizarra-Garazi eta ondoren sortutako erakundeak uztea. ETaren kontrako borroka Konstituzioaren eta Estatutuaren barruan egin behar dela dio.

AKORDIOA

ESTATU ARAZOA. «Terrorismoa Estatu arazoa» dela dio, eta Gobernuari dagokiola borroka gihatzea, «alderdi demokratikoen laguntzaz».

GATAZKA POLITIKORIK EZ. Itunak ez du gatazka politikoa onartzen, eta euskal gizartearen gatazka bakarra «demokrazian sinesten ez dutenek bortizkeria erabiltzea» dela dio.

EGUNGO MARKOA MUGA. Jarduera eta proiektu politiko guztien muga Konstituzioak eta Estatutuak zehazten duten jokalekua dela dio; eta

jokalekua aldatu nahi dutenek ere bertako arauak errespetatu behar dituztela.

ESTATUKO SEGURTASUN INDARRAK. Estatuko Segurtasun Indarrei sostengua adierazten die itunak, eta indarkeriaren amaitzea haien lana dela berresten du.

ZIGORREN GOGORTZEA. Egungo sistema ona dela onartu ondoren, PPk eta PSOEek diote elkar babestuko dutela lege aldaketak behar badira. Bestetik, espetxe politika «gogor eta zorrotz zigortzeko» erabili behar dela dio itunak.

NAZIOARTEKO ELKARLANA. Ezinbestekotzat jotzen du itunak Frantziaren eta Europako Bata-sunaren elkarlana, eta hori lortzeko lan egiteko konpromisoa zehazten du.

BIKTIMAK. ETaren biktimentzako fundazio bat sortzea proposatzen du itunak.

ETORKIZUNEN PROIEKZIOA. Itunak etorkizuneko «proiektzioa» izan behar duela dio.

SEGIMENDU BATZORDEA. Itunaren emaitzak aztertuko dituen segimendu batzorde bat osatzea hitzartu dute PPk eta PSOEek.

DEIA. Bat egiteko deia egiten zaie alderdiei.



ANGEL MILLAN / EFE

Rodriguez Zapatero, Jose Maria Aznar eta Javier Arenas, atzo.

Agentziak | MADRIL

Atzo eguerdiko 13:00etan sinatu zuten PPk eta PSOEek *Askatasunaren aldeko eta Terrorismoaren aurkako Ituna*. Javier Arenas PPko idazkari nagusiak eta Jose Luis Rodriguez Zapatero PSOEkoak sinatu zuten lehenik akordioa; eta, hasiera batean uste ez bazen ere, ondoren Jose Maria Aznar presidenteak sinatu zuen. Hala, indarkeriaren kontrako estatu ituna Espainiako bi alderdi nagusiek eta Gobernuak sinatua da.

Sinatze ekitaldia Moncloa jauregian egin zen, eta ordu eta erdi lehenago Aznarrek bilera bana izan zuen Arenas eta Ro-

driguez Zapaterorekin. Ekitaldian, baina, ez ziren soilik hiru horiek egon. Haiekin batera, negoziazioetan parte hartu duten ordezkari politikoeak eta PP eta PSOEko beste hainbat burukideak parte hartu zuten; han izan ziren Jaime Mayor Oreja Espainiako Barne ministroa, Javier Zarzalejos Gobernuako Presidentziako idazkari nagusia, Nicolas Redondo Terreros PSE-EEko idazkari nagusia, Jesus Caldera eta Alfredo Perez Rubalcaba PSOEko diputatuak eta Carlos Iturgaitz EAEko PPko lehendakaria.

Sinatze ekitaldiaren ondotik, Arenasek eta Zapaterok akordioaren inguruan hitz egin zu-